

TEKS UCAPAN
YANG BERBAHAGIA PROF. MADYA DR. MOHD FOAD SAKDAN, TIMBALAN NAIB
CANSELOR HAL EHWAL PELAJAR DAN ALUMNI UniMAP
SEMPENA
MAJLIS PERASMIAN ISLAMIC FESTIVAL 2018 (iFEST 1.0)
UNIVERSITI MALAYSIA PERLIS
PADA
27 APRIL 2018/ 11 SYAABAN 1439H

بِسْمِ اللَّهِ الرَّحْمَنِ الرَّحِيمِ
السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

الحمد لله رب العلمين، وبه نستعين، على أمور الدنيا

والدين،

والصلاة والسلام على أشرف الأنبياء والمرسلين، وعلى آله

وأصحابه أجمعين،

لا حول ولا قوة الا بالله العلي العظيم.

Salam Negaraku Malaysia

Salam Ilmu, Keikhlasan, Kecemerlangan UniMAP

SALUTASI

Yang Berusaha Pegawai- Pegawai Utama Universiti

Yang Berusaha Prof. Madya Dr. Shuhairimi Abdullah

Pengarah Pusat Islam UniMAP, merangkap Pengerusi iFEST 1.0

Dekan-dekan, ketua-ketua jabatan,

Seterusnya para pelajar dan staf UniMAP yang dirahmati Allah sekalian.

ALUAN KATA

1. Alhamdulillah, bersyukur kita ke hadrat Allah Azza Wajalla kerana dengan limpah dan izinNya kita diberikan kesempatan untuk berkumpul pada petang yang berbahagia ini bagi menjayakan *Majlis Perasmian Islamic Festival 2018 atau lebih dikenali sebagai iFEST 1.0*
2. Selawat dan salam kepada junjungan besar kita Nabi Muhammad S.A.W. Penghulu segala Rasul dan pada hari ini hari yang penuh barakah iaitu *Yaumul Jumaat Sayyidul Ayyam* (Penghulu segala hari) yang sentiasa memberi kelebihan kepada kita selaku Muslimin.
3. Terlebih dahulu izinkan saya mengucapkan setinggi-tinggi syabas dan tahniah kepada semua jawatankuasa pelaksana iFEST 1.0 yang telah bertungkus lumus memastikan perjalanan program ini berjalan lancar.

Hadirin hadirat yang dirahmati Allah sekalian

iFEST 1.0

4. Saya difahamkan program iFEST yang bakal berlangsung dalam masa sehari semalam ini telah dirancang dengan begitu teliti bagi memastikan semua program adalah menarik dan aktiviti pertama

adalah Qiyamullail Perdana yang bermula pada jam 4.30 pagi dan diikuti Kuliah Dhuha Perdana yang disampaikan oleh Shahibus Samahah Mufti Prof. Madya Dr. Mohd Asri Zainal Abidin.

5. Walaupun Program iFEST 1.0 ini merupakan penganjuran pertama Pusat Islam UniMAP, saya dapat melihat idea-idea bernas yang telah dirancang sejak empat bulan lalu, berjaya direalisasikan pada hari ini.
6. Sudah pasti bukan mudah untuk menghimpunkan semua aktiviti dalam tempoh yang singkat malah ia memerlukan kudrat dan tenaga kerja yang ramai untuk dilaksanakan.
7. Namun jika dilihat pada hasilnya, saya amat bersyukur di atas komitmen dari semua pihak yang terlibat khususnya Pusat Islam UniMAP dan tidak dilupakan kepada Jawatankuasa Surau Pauh Putra.

Hadirin hadirat sekalian

8. Hakikatnya semua program ini dirancang tidak lain dan tidak bukan hanya untuk memeriahkan konsep budaya ilmu selari dengan UniMAP yang merupakan gedung ilmu dan seharusnya ia bersesuaian warga universiti selain dapat mengeratkan hubungan silaturrahim bagi semua warga kampus yang terdiri dari kanak-kanak(anak staf), mahasiswa-mahasiswi dan staf UniMAP sendiri. Saya berasa amat bangga di atas komitmen sebegini oleh Pusat Islam.

9. Saya amat yakin iFEST 1.0 mampu untuk mencapai matlamat yang telah ditetapkan. Walaupun hanya satu hari berlangsung, namun ianya telah memberi satu impak yang besar. InsyaAllah pada masa akan datang saya berharap mungkin iFEST 2.0 akan diadakan dalam skala yang lebih besar seperti perkampungan sunnah yang dianjurkan oleh Jabatan Mufti Negeri Perlis.

Hadirin hadirat sekalian

AGIHAN ZAKAT

10. Pada hari ini juga saya difahamkan Pusat Islam melalui Jawatankuasa Agihan Zakat telah meluluskan bantuan zakat kepada 6 orang penerima yang terdiri daripada kalangan staf yang berkelayakan berdasarkan kiraan haddul kifayah yang telah ditetapkan oleh pihak MAIPs.
11. Tahniah saya ucapkan, semoga dengan sedikit bantuan ini akan meringinkan tanggungan tuan/puan. Berbelanjalah ke arah kebaikan untuk lebih mendapat keredhaan Allah.

Hadirin dan hadirat sekalian

TABUNG INFAQ RAMADHAN

12. Lebih kurang 20 hari lagi Ramadhan bakal menjelma dan seperti yang kita sedia maklum, bersempena kehadiran bulan yang mulia ini, kita digalakkan untuk meningkatkan amal ibadah dan memperbanyakkan sedekah.

13. Sehubungan itu, saya difahamkan Pusat Islam UniMAP telah menyediakan Tabung Infaq Ramadhan bagi memudahkan warga UniMAP untuk menderma bagi tujuan aktiviti sepanjang bulan mulia ini termasuklah dalam aktiviti memasak bubur lambuk.
14. Di sini saya ingin menyeru semua warga UniMAP untuk bersama-sama mengambil peluang ini untuk melaburkan saham kita di sana nanti.

Hadirin dan hadirat sekalian

PENUTUP

15. Sebelum mengakhiri ucapan, saya ingin sekali lagi, mengambil kesempatan merakamkan jutaan penghargaan kepada jawatankuasa hari ini yang terdiri dari semua staf di Pusat Islam dan Jawatankuasa Surau Pauh Putra, para tenaga yang turut membantu seperti Sahabat Pusat Islam dan Pfi 2 serta seluruh individu-individu yang menyumbang wang ringgit, idea dan segala-galanya untuk menjayakan program iFEST 1.0 ini. Semoga setiap perkara yang disumbangkan itu akan menjadi asbab kita beroleh ganjaran pahala serta beramal soleh.

Hadirin hadirat yang dirahmati Allah.

Sebagai pengakhir kata marilah kita renungkan kata-kata ini ***“Usia hidup ibarat menarik seutas tali dalam gelap, tidak kita ketahui di mana hujungnya.***

Boleh jadi saat kita sedang seronok menariknya, kita sudah pun berada di penghujung tali.”

Semoga dengan bicara hikmah ini dapatlah kita bermuhasabah diri dalam kehidupan seharian.

Sebagai perasmian majlis yang penuh barakah ini marilah sama-sama membaca ummul kitab - **Al Fatihah**

Dengan lafaz Bismillahirrahmanirrahim, saya dengan ini merasmikan ***Islamic Festival 2018 (iFEST 1.0)***

Sekian saya akhiri dengan Wabillahi Taufik Walhidayah,
Wassalamualaikum Warahmatullahi Wabarakatuh.